

Shona - Nyaradza MuMagwaro - Comfort Scriptures

**2 VaKorinde 1:2-4 Nyasha norugare ngazvive kwamuri zvichiva kuna Mwari
Baba vedu nalshe Jesu Kristu. 3 Ngaarumbidzwe Mwari naBaba valshe
wedu Jesu Kristu, ivo Baba vengoni naMwari wokunyaradza kwose, 4 ivo
vanotinyaradza pamatambudziko edu ose, kuti tigone kunyaradza avo vari
mumatambudziko nokunyaradza kwatakawana isu kubva kuna Mwari.**

**Fananidzo - Zvirevo 15:13 Mwoyo wakafara, unofadza chiso, asi mwoyo une
shungu unopwanya mweya.**

**1 Mambo - 1 Madzimambo 8:66 Pazuva rakatevera akaita kuti vanhu vaende.
Vanhu vakaropafadza mambo vakaenda kumisha yavo vane rufaro
mumwoyo mavo nokuda kwezvinhu zvakanaka zvose Jehovha zvaakanga
aitira muranda wake Dhavhidhi navanhu vake Israeri.**

**1 MaKoronike 16:10 Zvirumbidzei muzita rake dzvene; mwoyo yaavo
vanotsvaka Jehovah ngaifare.**

**Fananidzo - Zvirevo 12:25 Mwoyo unopunyaira unoremedza munhu, asi shoko
nyoro rinomufadza.**

**Fananidzo - Zvirevo 13:12 Tariro kana ichinonoka inoodza mwoyo, asi
chishuvo chazadziswa muti woupenyu.**

**Isaya 30:26 Mwedzi uchapenya sezuba, uye zuva richapenya kakapetwa
kanomwe, kufanana nechiedza chamazuva manomwe azere, Jehovah
paanosunga mavanga avanhu vake nokurapa maronda aakavarova nawo.**

**Hosea 13:8 Sebere ratorerwa vana varo, ndichavarwisa ndigovatsemura.
Seshumba ndichavaparadza; chikara chesango chichavabvambura.**

**1 Samueri 1:8,10 Murume wake Erikana aibva ati kwaari, "Hana, uri
kuchemei? Sei usingadyi? Wakasuwa neiko? Handikoshi here kwauri
kudarika vanakomana gumi?" 10 Nokurwadziwa kwomwoyo, Hana
akachema zvikuru akanamata kuna Jehovah.**

**MaPisarema 25:16,17 Dzokerai kwandiri uye mundinzwire nyasha, nokuti
ndiri ndoga uye ndinotambudzika. 17 Matambudziko omwoyo wangu
awanda; ndisunungurei pakurwadziwa kwangu.**

**MaPisarema 34:18 Jehovah ari pedyo navane mwoyo yakaputsika uye
anoponesa avo vakapwanyika pamweya.**

**MaPisarema 38:8 Ndarakutika uye ndapwanyika chose; ndiri kugomera
nokurwadza kwomwoyo.**

**MaPisarema 55:4 Mwoyo wangu unorwadziwa mukati mangu; kutyisa
kworufu kunondiwira.**

**MaPisarema 61:2,3 Kubva kumigumo yenyika, ndinodanidzira kwamuri,
ndinodana sezvo mwoyo wangu woziya; nditungamirirei kudombo rakareba**

kundipfuura. 3 Nokuti imi makanga muri utiziro hwangu, shongwe yakasimba pamusoro pavavengi vangu.

MaPisarema 62:8 *Vimbai naye nguva dzose, imi vanhu; dururai mwoyo yenu kwaari, nokuti Mwari ndiye utiziro hwedu. Sera.*

MaPisarema 73:26 *Nyama yangu nomwoyo wangu zvingaperazvo, asi Mwari isimba romwoyo wangu nomugove wangu nokusingaperi.*

MaPisarema 77:2,3 *Pandakanga ndiri pakutambudzika, ndakatsvaka Ishe; panguva yousiku ndakatambanudza maoko angu asinganeti, uye mweya wangu wakaramba kunyaradzwa. 3 Haiwa Mwari, ndakakurangarirai, uye ndikagomera; ndakafungisisa, mwuya wangu ukaziya. Sera.*

MaPisarema 86:11 *Haiwa Jehovha, ndidzidzisei nzira yenu, uye ndichafamba muzvokwadi yenu; ndipei mwoyo mumwe, kuti ndigotya zita renyu.*

MaPisarema 109:22 *Nokuti ndiri murombo uye ndinoshayiwa, uye mwoyo wangu wakuvara mukati mangu.*

MaPisarema 112:7,8 *Haangatyi mashoko akaipa; mwoyo wake wakasimba, anovimba naJehovha. 8 Mwoyo wake wakachengetedzeka, haangatyi chinhu; pakupedzisira acharira nokukunda kuvavengi vake.*

MaPisarema 143:4 *Saizvozvo mwuya wangu unoziya mukati mangu; mwoyo wangu unovhundutswa mukati mangu.*

MaPisarema 147:3 *Anoporesa vane mwoyo yakaputsika, uye anosunga maronda avo.*

Fananidzo - Zvirevo 14:30 *Mwoyo wakagadzikana unopa upenyu kumuviri, asi ruchiva runoodza mapfupa.*

Muparidzi 1:13 *Ndakazvipira kunzvera nokutsvaka nochchenjeri zvose zvinoitwa pasi pedenga. Ibasa rinotambudza rakapiwa vanakomana vavanhu naMwari kuti vazvitambudze naro.*

Muparidzi 2:10 *Handina kuzvirambidza zvinhu zvaidiwa nameso angu, handina kurambidza mwoyo wangu mufaro. Mwoyo wangu wakafadzwa nebara rangu rose, uye uyu ndiwo wakava mubayiro wokushanda kwangu kwose.*

Muparidzi 2:22,23 *Munhu anowanei pakushanda kwose nokushingaira kwomwoyo nokuda kwokushanda kwake pasi pezuva? 23 Mazuva ake ose basa rake kurwadziwa nokusuwa; kunyange nousiku pfungwa dzake hadziorori. Naizvozviwo hazvina maturo.*

Muparidzi 11:10 *Saka zvino dzinga zvinonetsa pamwoyo wako ugobvisa zvinotambudza pamuviri wako, nokuti uduku nesimba hazvina maturo.*

Isaya 30:29 *Uye muchaimba sapausiku hwamunopemberera mutambo mutsvene; mwoyo yenu ichafara sezvinoita vanhu vanokwira kugomo rajehovha, nokuDombo ralsraeri, vachiridza nyere.*

Isaya 57:15 *Nokuti zvanzi nalye akawirira ari kumusoro, iye anorarama*

nokusingaperi, ane zita dzvene, “Ndinogara pakakwirira panzvimbo tsvene, asi naiyewo ane mweya wakapwanyika uye anozvininipisa, kuti ndimutsiridze mwuya yavanozvininipisa uye ndimutsiridze mwoyo yavakapwanyika.

Isaya 65:14 Varanda vangu vachaimba mufaro wemwoyo yavo, asi imi muchachema nokurwadziwa nomwoyo uye muchaungudza mukuputsika kwomweya.

Isaya 66:13,14 Samai vanonyaradza mwana wavo, saizvozvo ndichakunyaradzai; uye muchanyaradzwa pamusoro peJerusarema.” 14 Pamuchaona izvozvo, mwoyo wenyu uchafara, uye muchaita bumhudza sebundo; ruoko rwajehovha rucharatidzwa kuvaranda vake, asi hasha dzake dzicharatidzwa kuvavengi vake.

Jeremia 15:16 Mashoko enyu paakasvika ndakaadya; akanga ari mufaro wangu nokufadzwa kwomwoyo wangu, nokuti ndakatumidzwa zita renyu, imi Jehovha Mwari Wamasimba Ose.

Jeremia 24:7 Ndichavapa mwoyo wokundiziva, kuti ndini Jehovha. Vachava vanhu vangu, uye ini ndichava Mwari wavo, nokuti vachadzokera kwandiri nomwoyo wavo wose.

Johani 14:1 “Mwoyo yenu ngairege kutambudzika. Tendai kuna Mwari; mutendewo kwandiri.

Johani 14:27 Ndinokusiyirai rugare; ndinokupai rugare rwangu. Handikupei sokupa kwenyika. Mwoyo yenu ngairege kutambudzika uye musatya.

Johani 16:6 Nokuti ndataura zvinhu izvi, mwoyo yenu yazara neshungu.

Johani 16:22 Naizvozvo nemiwo zvino inguva yenu yokusuwa, asi ndichakuonai zvakare uye muchafara, uye hakuna achakutorerai mufaro wenyu.

Mabasa aVapostori 2:46 Mazuva ose vairamba vachiungana pamwe chete mutemberi. Vaimedura chingwa mudzimba dzavo uye vachidya pamwe chete nomufaro uye nomwoyo wakanaka,

VaRoma 9:2 ndino kusuwa kukuru kwazvo neshungu dzisingaperi mumwoyo mangu.

2 VaKorinde 2:4 Nokuti ndakakunyorerai ndino kusuwa kukuru, nokurwadziwa mumwoyo uye nemisodzi mizhinji, kwete kuti ndikuchemedzei asi kuti ndikuzivisei udzamu hworudo rwangu kwamuri.

VaEfeso 5:19 Mutaure kuno mumwe nomumwe namapisarema, nedzimbo uye nenziyo dzomweya. Muimbe uye muridzire Ishe mimhanzi mumwoyo yenu,